


十

唐人絕句七言十



萬首唐人絕句卷第四十三

七言一百首

長樂郡
張祜
詩話



題弋陽館

張祜 八十四首

一葉飄然下弋陽
殘霞昏日樹蒼蒼
吳谿漫汗千將
劍却是猿聲斷客腸

題秀師影堂

陰陰古寺杉松下
記得長明一焰燈
盡日看山人不
會影堂中是別來僧

贈李修源

岳陽新尉曉衙參
却是傍人意未甘
昨夜與君思賈

誼長沙猶在洞庭南

瓜洲聞曉角

寒耿稀星照碧霄月樓吹角夜江遙五更人起煙霜
靜一曲殘聲遍落潮

元日仗

文武千官歲仗兵萬方同軌奏昇平上皇一御含元
殿丹鳳門開白日明

連昌宮

龍虎旌旗雨露飄玉樓歌斷碧山遙玄宗上馬太真
去紅樹滿園香自銷

正月十五夜燈

千門開鎖萬燈明正月中旬動帝京三百內人連袖
舞一時天上著詞聲

上巳樂

猩猩血綵繫頭標天上齊聲舉畫橈却是內人爭意
切六宮紅袖一時招

千秋樂

八月平時花萼樓萬方同樂是千秋傾城人看長竿
出一技初成趙解愁

春鶯轉

唐詩卷四十一
二
興慶池南柳未開太真先把一枝梅內人已唱春鶯
轉花下傚傚軟舞來

大酺樂二首

車駕東來值太平大酺三日洛陽城小兒一伎竿頭
絕天下嘖傳萬歲聲

紫陌酺歸日欲斜紅塵開路薛王家雙鬟笑說樓前
鼓兩仗爭輪好落花

邠王小管

號國潛行韓國隨宜春深院映花枝金輿遠幸無人
見偷把邠王小管吹

李謨笛

平時東幸洛陽城天樂宮中夜徹明無奈李謨偷曲
譜酒樓吹笛是新聲

寧哥來

日映宮城霧半開太真簾下畏人猜黃翻綽指向西
樹不信寧哥回馬來

孟才人歎

偶因歌態詠嬌頰傳唱宮中十二春却爲一聲河滿
子下泉須弔舊才人

鄴中懷古

鄴中城下漳河水日夜東流莫記春腸斷宮中望陵處不堪臺上也無人

讀杜員外秋娘詩

年少多情杜牧之風流仍作杜秋詩可知不是長門閉也得相如第一詞

杭州開元寺牡丹

濃艷初開小藥欄人人惆悵出長安風流却是錢塘寺不踏紅塵見牡丹

招畫松石

咫尺雲山便出塵我生長日自因循憑君畫取江南

勝留向東齋伴老身

平陰夏日作

西來漸覺細塵紅擾擾舟車路向東可惜夏天明月夜土山前面障南風

贈處士

小徑上山山甚小每憐僧院笑僧禪人間莫道無難事二十年來已是玄

邠娘羯鼓

新教邠娘羯鼓成大酺初日最先呈冬兒指向貞貞說一曲乾鳴兩杖輕

退宮人二首

開元皇帝掌中憐
流落人間二十年
長說承天門上
宴百官樓下拾金錢

歌喉漸退出宮闈
泣話伶官上許歸
猶說入時歡聖
壽內人初着五方衣

耍娘歌

宜春花夜雪千枝
妃子偷行上密隨
便喚耍娘歌一
曲六宮生老是蛾眉

悖拏兒舞

春風南內百花時
道唱梁州急遍吹
揭手便拈金梳

舞上皇驚笑悖拏兒

題靈徹上人舊房

寂寞空門支道林
滿堂詩板舊知音
秋風吹葉古廊
下一半繩牀燈影深

晚秋潼關西門作

日落寒郊煙物清
古槐陰黑少人行
關門西去華山
色秦地東來河水聲

贈內人

禁門宮樹月痕過
媚眼唯看宿燕窠
斜拔玉釵燈影
畔剔開紅燭救飛蛾

洛中作

元和天子昔平戎，惆悵金輿尚未通。
盡日洛橋閒處看，秋風時節上陽宮。

折楊柳枝二首

莫折宮前楊柳枝，玄宗曾向笛中吹。
傷心日暮煙霞起，無限春愁生翠眉。

凝碧池邊斂翠眉，景陽樓下綰青絲。
那勝妃子朝元閣，玉手和煙弄一枝。

華清宮四首

風樹離離月稍明，九天龍氣在華清。
宮門深鎖無人

覺半夜雲中羯鼓聲

天闕沉沉夜未央，碧雲僊曲舞霓裳。
一聲玉笛向空盡，月滿驪山宮漏長。

紅樹蕭蕭閣半開，上皇曾幸此宮來。
至今風俗驪山下，村笛猶吹阿濫堆。

水遶宮牆處處聲，殘紅長綠露華清。
武皇一夕夢不覺，十二玉樓空月明。

贈竇家小兒

深綠衣裳小小人，每來聽裏解相親。
天生合去雲霄上一尺，松栽已出塵。

聽崔侍御葉家歌

宛羅重縠起歌筵
活鳳生花動碧煙
一聲唱斷無人
和觸破秋雲直上天

長門怨

日映宮墻柳色寒
笙歌遙指碧雲端
珠鈿滴盡無心
語強把花枝冷笑看

讀老莊

等閒緝綴閒言語
誇向時人喚作詩
昨日偶拈莊老
讀萬尋山上一毫釐

偶題

古來名下豈虛爲
李白顛狂自稱時
唯恨世間無賀
老謫僊長在没人知

丁巳仲冬江上作

南來驅馬渡江濱
消息前年此月聞
唯是賈生先慟
哭不堪天意重陰雲

別玉華僊侶

遶舍煙霞爲四鄰
寒泉白石日相親
塵機不盡住不
得珍重玉山山上人

汴上送客

河流西下鴈南飛
楚客相逢淚濕衣
張翰思歸何太

切扁舟不住又東歸

郵亭殘花

雲暗山橫日欲斜
郵亭下馬對殘花
自從身逐征西府
每到花時不在家

秋時送鄭侍御

離鴻聲怨碧雲淨
楚瑟調高清曉天
盡日相看俱不語
西風搖落數枝蓮

宿武牢關

行人候曉久徘徊
不待雞鳴未得開
堪羨寒溪自無事
潺潺一夜宿關來

宿湓浦逢崔昇

江流不動月西沉
南北行人萬里心
況是相逢鴈天夕
星河寥落水雲深

京城寓懷

三十年持一釣竿
偶隨書薦入長安
由來不是求名者
唯待春風看牡丹

集靈臺二首

日光斜照集靈臺
紅樹花迎曉露開
昨夜上皇新授籙
太真含笑入簾來

虢國夫人承主恩
平明騎馬入金門
却嫌脂粉汗顏

色淡掃蛾眉朝至尊

感歸

行却江南路幾千歸來不把一文錢鄉人笑我窮寒
鬼還似襄陽孟浩然

偶作

徧識青霄路上人相逢祇是語逡巡可勝飲盡江南
酒歲月猶殘李白身

勸飲酒

燒得硫黃漫學僊未勝長付酒家錢甯肯不喫齊推
樂却在人間八十年

阿鵲湯

月照宮城紅樹芳綠窻燈影在雕梁金輿未到長生
殿妃子偷尋阿鵲湯

馬嵬坡

旌旗不整奈君何南去人稀北去多塵土已殘香粉
艷荔枝猶到馬嵬坡

太真香囊子

蹙金妃子小花囊銷耗曾前結舊香誰爲君王重解
得一生遺恨繫心腸

雨霖鈴

雨霖鈴夜却歸秦猶見張徽一曲新長說上皇和淚
教月明南內更無人

聽歌二首

兒郎漫說轉喉輕須待情來意白生只是眼前絲竹
和大家聲裏唱新聲

十二年前邊塞行坐中無語歎歌情不堪昨夜先垂
淚西去陽關第一聲

聽箏

十指纖纖玉筍紅鴈行輕過翠絃中分明似說長城
苦水咽雲寒一夜風

王家琵琶

金屑檀槽玉腕明子絃輕撚爲多情只愁拍盡涼州
破畫出風雷是撥聲

李家柘枝

紅鉛拂臉細腰人金繡羅衫軟着身長恐舞時殘拍
盡却思雲雨更無因

楚州韋中丞筓篔

千重鉤鎖撼金鈴萬顆真珠瀉玉瓶恰值滿堂人欲
醉甲光纔觸一時醒

邊上逢歌者

垂老秋歌出塞庭
過雲相付舊秦青
少年翻擲新聲
盡却向人前側耳聽

聽李簡上人吹蘆管二首

細蘆僧管夜沉沉
越鳥巴猿寄恨吟
吹到耳邊聲盡
處一條絲斷碧雲心

月落江城樹繞鴉
一聲蘆管是天涯
分明西國人來
說赤佛堂西是漢家

塞上聞笛

一夜梅花笛裏飛
冷沙晴檻月光輝
北風吹盡向何
處
高入塞雲燕鴈稀

經舊遊

去年來送行人處
依舊蟲聲古岸南
斜日照谿雲影
斷水蒨花穗倒空潭

東山寺

寒色蒼蒼老柏風
石苔清滑露光融
半夜四山鐘磬
盡水精宮殿月玲瓏

峰頂寺

月明如水山頭寺
仰面看天石上行
夜半深廊人語
定一枝松動鶴來聲

潤州鶴林寺

古寺名僧多異時道情虛遣俗情悲千年鶴在市朝
變來去舊山人不知

勝上人山房

清晝房廊山半開一瓶新汲灑莓苔古松百尺始生
葉颯颯風聲天上來

李夫人詞

延年不語望三星莫說夫人上涕零爭奈世間惆悵
在甘泉宮夜看圖形

金陵渡

金陵津渡小山樓一宿行人自可愁潮落夜江斜月

裏兩三星火是瓜洲

過陰陵

壯士悽惶到山下行人惆悵上山頭生前此路已迷
失寂寞孤魂何處遊

縱遊淮南

十里長街市井連月明橋上看神僊人生只合揚州
死禪智山光好墓田

登樂遊原

幾年詩酒滯江干水積雲重思萬端今日南方惆悵
盡樂遊原上見長安

過石頭城

纍纍墟墓葬西原
六代同歸蔓草根
唯是歲華流盡處
石頭城下水千痕

黃蜀葵

名花八葉嫩黃金
色照書窗透竹林
無奈美人閒把嗅
直疑檀口印中心

楊花

散亂隨風處處勻
庭前幾日雪花新
無端惹着潘郎鬢
驚殺綠窗紅粉人

薔薇花

曉風抹盡燕支顏
夜雨催成蜀錦機
當畫開時正明媚
故鄉疑是買臣歸

戲顏郎中獵

忽聞射獵出軍城
人着戎衣馬帶纓
倒把角弓呈一箭
滿川狐兔當頭行

失鷺鷥

李歸唐一首

惜養來來歲月深
籠開不見意沉吟
也知祇在秋江上
明月蘆花何處尋

伍相廟

常雅一首

蒼蒼古廟映林巒
巖巖煙霞覆石壇
精魄不知何處

在威風猶入浙江寒

贈玉簫

韋臯一首

黃雀銜來已數春
別時留醉贈佳人
長江不見魚書至
為遣相思夢入秦

題黃花驛

薛逢八首

孤戍迢迢蜀路長
烏鳴山館客思鄉
更看絕頂煙霞外
數樹巖花照夕陽

涼州詞

昨夜蕃軍報國讐
涼州都護破涼州
黃河九曲今歸漢
塞外縱橫戰血流

觀獵

馬縮寒毛鷹落膽
角弓初暖箭新調
平原踏盡無禽出
竟日翻身望碧霄

狼煙

三道狼煙過磧來
受降城上探旗開
傳聲却報邊無事
自是官軍入抄回

俠少年

綠眼胡鷹踏錦鞵
五花驄馬白貂裘
往來三市無人識
倒把金鞭上酒樓

感塞

唐詩卷四十三
十四
滿塞旌旗鎮上游各分天子一方憂無因得見哥舒
翰可惜西山十八州

聽曹剛彈琵琶

禁曲新翻下玉都四絃振觸五音殊不知天上彈多
少金鳳銜花尾半無

定山寺

十里松蘿映碧苔一川晴色鏡中開遙聞上界翻經
處片片香雲出院來

夢入瓊臺

許灑一首

曉入瑤臺露氣清天風飛下步虛聲塵心未盡俗緣

在十里下山空月明

題禪窟寺

陳季卿一首

霜鐘鳴時夕風急亂鴉又望寒林集此時輟棹悲且
吟獨對蓮華一峰立

詠篙水濺妓衣

裴虔餘一首

滿額蛾黃金縷衣翠翹浮動玉釵垂從教水濺羅裙
濕知道巫山行雨歸

浪淘沙二首

皇甫松二首

灘頭細草接疎林浪惡曾船半欲沉宿鷺眠洲非舊
浦去年沙觜是江心

蠻歌豈惹北人愁
松雨蒲風野艇秋
浪起鷓鴣眠不
得寒沙細細入江流

萬首唐人絕句卷第四十三

萬首唐人絕句卷第四十四

七言一百首

贈少年

溫庭筠 四十一首

江海相逢客恨多
秋風葉下洞庭波
酒酣夜別淮陰市
月照高樓一曲歌

荅段柯古見啁

彩翰殊翁金繚繞
一千二百逃飛鳥
尾薪橋下未爲
癡暮雨朝雲世間少

彈箏人

天寶年中事玉皇
曾將新曲教寧王
鈿蟬金鴈皆零

落一曲伊州淚萬行

瑤瑟怨

冰簟銀牀夢不成碧天如水夜雲輕鴈聲還向瀟湘
去十二樓中月自明

夏中病疴作

山鬼揚威正氣愁便辭珍簟襲狐裘西窗一夕悲人
事團扇無情不待秋

元處士池上

蓼穗芡叢思蠓蛄水螢江鳥滿煙蒲愁紅一片風前
落池上秋波似五湖

華陰韋氏林亭

自有林亭不得閒陌塵宮樹是非間終南祗在茅簷
外別向人間看華山

寄裴生乞釣鉤

一隨菱棹謁王侯深愧移文負釣舟今日太湖風色
好却將詩句乞魚鉤

春日雨

細雨濛濛入絳紗湖亭寒食孟珠家南朝漫自稱流
品宮體何曾爲杏花

洛陽

唐詩卷四
葉惟大
鞏樹先春雪滿枝上陽宮柳轉黃鸝桓譚未便忘西
笑豈爲長安有鳳池

四老

商於角里便成功一寸沉機萬古同但得戚姬甘定
分不應真有紫芝翁

蓮花

綠塘搖灩接星津軋軋蘭橈入白蘋應爲洛神波上
襪至今蓮葉有香塵

過吳景帝陵

王氣銷來水淼茫豈能才與命相妨虛開直瀆三千

里青蓋何曾到洛陽

龍尾驛婦人圖

慢笑開元有倖臣直教天子到蒙塵今來看畫猶如
此何況親逢絕世人

薛氏池垂釣

池塘經雨更蒼蒼萬點荷珠曉氣涼朱瑤空偷御溝
水錦鱗紅尾屬嚴光

簡同志

開濟猶來變盛衰五車纔得號鎡基留侯功業何容
易一卷兵書作帝師

贈鄭徵君

一拋蘭棹逐燕鴻
曾向江湖識謝公
每到朱門還悵
望故山多在畫屏中

車駕西游因而有作

宣曲長楊瑞氣凝
上林狐兔待秋鷹
誰將詞賦陪雕
輦寂寞相如臥茂陵

傷溫德彝

昔年戎虜犯榆關
一敗龍城匹馬還
侯印不聞封李
廣他人丘壟似天山

題端正樹

路傍佳樹碧雲愁
曾侍金輿幸驛樓
草木榮枯似人
事綠陰寂寞漢陵秋

題李相公勅賜錦屏風

豐沛曾為社稷臣
賜書名畫墨猶新
幾人同保山河
誓獨自棲棲九陌塵

題友人居

盡日松堂看畫圖
綺疏岑寂似清都
若教煙水無鷗
鳥張翰何由到五湖

蔡中郎

古墳零落野花春
聞說中郎有後身
今日愛才非昔

日在拋心力作詞人

渭上題三首

呂公榮達子陵歸萬古煙波遶釣磯橋上一通名利
迹至今江鳥背人飛

目極雲霄思浩然風帆一片水連天輕橈便是東歸
路不肯忘機作釣船

煙水何曾息世機暫時相向亦依依所嗟白首磻溪
叟一下漁舟更不歸

經故翰林表學士居

劍逐驚波玉委塵謝安門下更何人西州城外花千

樹盡是羊曇醉後春

題杜邠公林亭

卓氏壚前金線柳隋家堤伴錦帆風貪爲兩地分霖
雨不見池蓮照水紅

贈張鍊師

丹溪藥盡變金骨清洛月寒吹玉笙他日隱居無訪
處碧桃花發水縱橫

河中紫極宮

昔年曾伴玉真遊每到僊宮卽是秋曼倩不歸花落
盡滿叢煙露月當樓

夜看牡丹

高低深淺一欄紅把火殷勤照露叢希逸近來成懶
病不能容易向春風

宿城南亡友別墅

水流花落歎浮生又伴遊人宿杜城還似昔年殘夢
裏透簾斜月獨聞鶯

過分水嶺

溪水無情似有情入山三日得同行嶺頭便是分頭
處惜別潺湲一夜聲

鄠杜郊居

槿籬芳接近樵家壠麥青青一逕斜寂寞遊人寒食
後夜來風雨送梨花

長安春晚二首

曲江春半日遲遲正是王孫悵望時杏花
落盡不歸去江上東風吹柳絲

四方無事太平年萬象鮮明禁火前九重
細雨惹春色輕染龍池楊柳煙

三月十八日雪中作

芍藥薔薇語早梅不知誰是艷揚才今朝
領得東風意不復饒君雪裏開

咸陽值雨

咸陽橋上雨如懸萬點空濛隔釣船還似洞庭春水色晚雲將入岳陽天

瑟瑟釵

翠染冰輕透露光墮雲孫壽有餘香只應七夕回天浪添作湘妃淚兩行

南歌子詞二首

一尺深紅勝麴塵天生舊物不如新合歡桃核終堪恨裏許元來別有人

月底點燈深燭伊共郎長行莫圍碁珍瓏骰子安紅

豆入骨相思知不知

題石泉蘭若

段成式 四十三首

轟竹爲籬松作門石楠陰底藉芳蓀方袍近日少平叔注得逍遙無處論

怯酒

大白東西飛正狂新菊石凍雜梅香詩中反語常回避尤怯花前喚索郎

牛尊師宅看牡丹

洞裏仙春日更長翠叢風剪紫霞芳若爲蕭史通家客情願扛壺入醉鄉

觀碁

閒對奕楸傾一壺黃羊枰上幾成都他時謁帝銅池
曉便賭宣城太守無

題僧壁

有僧支頰撚眉毫起就夕陽磨剃刀到此既知閒最
樂俗心何啻九牛毛

哭房處士

獨上黃壇幾度盟印開龍渥喜丹成豈同叔夜終無
分空向人間著養生

呈輪上人

虎到前頭心不驚殘陽擇虱懶逢迎東林水石未勝
此要假遠公方有名

題谷隱蘭若三首

風惹閒雲半谷陰巖西隱者醉相尋草衰乍覺徑增
險葉盡却疑溪不深

鳥啄靈鷲戀落暉村情山趣頓忘機丹成道士過門
數葉盡寒猿下嶺稀

風帶巢熊拗樹聲老僧相引入雲行半坡新路畚纒
了一谷寒煙燒不成

不赴光風亭夜飲

井開屈膝見吳娃。蠻蠟同心四照花。姹女不愁難管領，斬新鉛裏得黃牙。

嘲元中丞

鶯裏花前選孟光。東山逋客酒初狂。素娥畢竟難防備，燒得河車莫遣嘗。

寄溫飛卿牋紙

三十六鱗充使時。數番猶得裏相思。待將袍襖重抄了，盡寫襄陽播柘詞。

嘲飛卿七首

曾見當壚一箇人。入時裝束好腰身。少年花蒂多芳

思，只向詩中寫取真。

醉袂幾侵魚子纈。飄纓長冒鳳凰釵。知君欲作閒情賦，應願將身作錦鞵。

翠蝶密偎金叉首。青蟲危泊玉釵梁。愁生半額不開靨，只爲多情團扇郎。

柳煙梅雪隱青樓。殘日黃鸝語未休。見說自能裁袖腹，不知誰更著梢頭。

愁機嬾織同心苣。悶繡先描連理枝。多少風流詞句裏，愁中空詠早環詩。

燕支山色重能輕。南陽水澤鬪分明。不煩射雉先張

翳自有琴中威鳳聲

半歲愁中鏡似荷牽環撩鬢却須磨花前不復抱瓶
渴月底還應琢刺歌

柔卿解籍戲呈飛卿三首

長擔犢車初入門金牙新醞盈深罇良人爲漬木瓜
粉遮却紅腮交午痕

最宜全幅碧鮫綃自襞春羅等舞腰未有長錢求鄴
錦且令裁取一團嬌

出意挑鬟一尺長金爲鈿鳥簇釵梁鬱金種得花茸
細添入春衫領裏香

戲高侍御七首

百媚城中一箇人紫羅垂手見精神青琴仙子長教
示自小來來號阿真

七尺髮猶三角梳玳牛獨駕長檐車曾城自有三青
鳥不要蓮東雙鯉魚

花恨紅腰柳妬眉東鄰牆短不曾窺猶憐最小分瓜
日奈許迎春得藕時

自等腰身尺六彊兩重危鬢盡釵長欲燠羅薦嫌龍
腦須爲尋求石葉香

別起青樓作幾層斜陽慢卷鹿盧繩厭裁魚子深紅

續泥覓蜻蜓淺碧綾

詐嫌嚼貝磨衣鈍私帶男錢壓鬢低不獨邯鄲新嫁
女四枝鬟上插通犀

可羨羅敷自有夫愁中漫捋白髭鬚豹錢驄子能擎
舉兼著連乾許換無

送僧二首

形神不滅論初成愛馬乘閒入帝京四十二年虛過
了方知僧裏有唐生

想到頭陀最上方桂陰猶認惠宗房因行戀燒歸來
晚窻下猶殘一字香

猿

却憶書齋值晚晴挽枝閒嘯激蟬清影沉巴峽夜巖
色蹤絕石塘寒瀨聲

送穆郎中赴闕

應念愁中恨索居驪歌聲裏且踟躕若逢金馬門前
客爲說虞卿久著書

題商山廟

偶出雲泉謁禮闈篇章曾沐漢皇知無謀靜國東歸
去羞過商山四老祠

折楊柳七首

枝枝交影鎖長門嫩色曾沾雨露恩鳳輦不來春欲
盡空留鶯語到黃昏

冰殿年年占早芳柔條偏惹御爐香而今萬乘多巡
狩輦路無陰綠草長

玉樓煙薄不勝芳金屋寒輕翠帶長公子驂驢往何
處綠陰堪繫紫遊韁

嫩葉初齊不耐寒風和時拂玉欄干君主去日曾攀
折泣雨傷春翠黛殘

微黃纔綻未成陰繡戶珠簾相映深長恨早梅無賴
極先將春色出前林

隋家堤上已成塵漢將營邊不復春只向江南并塞
北酒旗相伴惹行人

陌上河邊千萬枝怕寒愁雨盡低垂黃金穉短人多
折已恨東風不展眉

哭李羣玉

酒裏詩中三十年縱橫唐突世喧喧明時不作禰衡
死傲盡公卿歸九泉

漢宮詞二首

歌舞初承恩寵時六宮學妾畫蛾眉君王厭世妾頭
白聞唱歌聲却淚垂

二八能歌得進名人言選入便光榮豈知妃后多嬌
妬不許君前唱一聲

醉中吟

只愛糟牀滴滴聲長愁聲絕又醒醒人間榮辱不常
定唯有南山依舊青

桃源僧舍看花

前年帝里探春時寺寺名花我盡知今日長安已灰
燼忍能南國對芳枝

酬段柯古不赴夜飲

元繇

二首

玉樹瓊筵映彩霞澄波虛閣似仙家只緣存想歸蘭

室不向光風看夜花

看牡丹

金蕊霞英疊綵香初疑少女出蘭房逡巡又是一年
別寄語集仙呼索郎

及第後宿平康里 鄭合敬一首

春來無處不閒行楚閨相看別有情好是五更殘酒
醒時時聞喚狀頭聲

黃陵廟詞

李遠一首

黃陵廟前莎草春黃陵女兒舊裙新輕舟小楫唱歌
去水遠山長愁殺人

春閨怨

李頻十一首

紅粉女兒窻下羞
畫眉夫婿隴西頭
自怨愁容長照鏡
悔教征戍覓封侯

春日旅舍

未識東西南北路
青春白日坐銷難
如何一別故園後
五度花開五處看

吳門別主人

早晚更看吳苑月
小齋長憶落西窻
不知明夜誰家見
應照離人隔楚江

自黔中歸新安

朝過春關辭北闕
暮參戎幕向南巴
却將仙桂東歸去
江月相隨直到家

過長江傷賈島

忽從一宦遠流離
無罪無人子細知
到得長江聞杜宇
想君魂魄也相隨

客洛酬劉駕

浮世總應相送老
共君偏更遠行多
此回不似前回別
聽盡離歌逐櫂歌

和鄭薰

三四株松匝草亭
便成彭澤柳爲名
蓮峰隱去難辭

闕澹水朝回與出城

題釣臺障子

君家盡是我家山
巖子前臺枕古灣
却把釣竿終不
可幾時入海得魚還

自遣

永擬東歸把釣絲
將行忽起半心疑
青雲道是不平
地還有平人上得時

寄曹鄴

終南山是枕前雲
禁鼓無因曉夜聞
朝客秋來不朝
日曲江西岸去尋君

述懷

望月疑無得桂緣
春天又待到秋天
杏花開與槐花
落愁去愁來過幾年

憤題

吳武陵一首

雀兒來逐颶風高
下視鷹鷂意氣豪
自謂能生千里
翼黃昏依舊入蓬蒿

萬首唐人絕句卷第四十四

萬首唐人絕句卷第四十五

七言一百首

移石盆

陸龜蒙

移得龍泓漱灩寒月輪初下白雲端無人盡日澄心
坐倒影新篁一兩竿

自遣詩二十二首

五年重別舊山村樹有交柯犢有孫更感卞峰顏色
好晚雲纔散便當門

雪下孤村淅淅鳴病魂無睡灑來清心搖祗待東窻
曉長媿寒雞第一聲

甫里先生未白頭酒旗猶可戰高樓長鯨好鱸無因
得乞取舠艫作釣舟

花瀨濛濛紫氣昏水邊山曲更容村終須揀取幽棲
地老桂成雙便作門

長歎人間髮易華暗將心事許煙霞病來前約分明
在藥鼎書囊便是家

醞得秋泉似玉容比於雲液更應濃思量北海徐劉
輩枉向人間號酒龍

偶然携稚看微波臨水春寒一倍多便使筆精如逸
少懶能書字換羣鵝

數尺游絲墮碧空年年長是惹東風爭知天上無人
住亦有春愁鶴髮翁

往古天高事渺茫爭知靈媛不淒涼月娥如有相思
淚祇待方諸寄兩行

本來雲外寄閒身遂與溪雲作主人一夜逆風愁四
散曉來零落傍衣巾

淵明不待公田熟乘興先秋解印歸我爲餘糧春未
去到頭誰是復誰非

雲擁根株抱石危斲來文似瘦蛟螭幽人帶病愁朝
起祇向春山盡日歌

月澹花閒夜已深宋家微詠若遺音重思萬古無人
賞露濕清香獨滿襟

南岸春田手自農往來橫絕半江風有時不耐輕橈
興暫欲蓬山訪洛公

賢達垂竿小隱中我來真作捕魚翁前溪一夜春流
急已學嚴灘下釣筒

水國君王又姓蕭風情由是冠前朝靈和殿下巴江
柳十二樓前等翠條

強梳蓬鬢整斜冠片燭光微夜思闌天意最饒惆悵
事單棲分付與春寒

無多藥圃近南榮合有春苗次第生稚子不知名品
上恐隨春草鬪輸贏

一派溪隨若下流春來無處不汀洲漪瀾未碧蒲猶
短不見鴛鴦正自由

山下花明水上曛一橈青翰破霞文越人但愛風流
客繡被何須屬鄂君

妍華須是占時生淮擬差肩不近情佳麗幾時腰不
細荆王辛苦致宮名

羊侃多應自古豪解盤金稍置織腰縱然此事教雙
得不博溪田二頃苗

石竹花

曾看南朝畫國娃古羅衣上碎明霞而今莫共金錢
鬪買却春風是此花

閒吟

閒吟料得三更盡始把孤燈背竹窻一夜西風高浪
起不教歸夢過寒江

北渡

江客柴門枕浪花鳴機寒櫓任謳鴉輕舟過去真堪
畫驚起鷓鴣一陣斜

夜泊詠棲鴻

可憐霜月暫相依莫向衡陽起遂飛同是江天寒夜
客羽毛單薄稻梁微

早行

冰寒孤棹觸天文直是乘槎去問津縱使碧虛無限
好客星名字也愁人

景陽宮井

古堞煙埋宮井樹陳主吳姬墮泉處舜沒蒼語萬里
雲却不聞將二妃去

江南二首

便風船尾香杭熟細雨罾頭赤鯉跳待得江殮閒望

足日斜方動木蘭橈

村邊紫豆花垂次岸上紅梨葉戰初莫怪煙中重回
首酒家青紵一行書

溪思雨中

雨映前山萬句絲櫓聲衝碎似鳴機無端織得愁成
段堪作騷人酒病衣

江城夜泊

漏移寒箭丁丁急月掛虛弓藹藹明此夜離魂堪射
斷更煩江笛兩三聲

宮人斜

草著愁煙似不春晚鶯哀怨問行人須知一種埋香
骨猶勝昭君作虜塵

送棊客

滿目山川似勢棊況當秋鴈正斜飛金門若召羊玄
保賭取江東太守歸

漢宮詞

招靈閣上霓旌絕梁柏臺中珠翠稠一身三十六宮
夜露滴玉盤青桂秋

上清

玉林風露寂寥清仙妃對月閒吹笙新篁冷澀曲未

盡細拂雲枝棲鳳驚

秋荷

蒲茸承露有佳色
芙蓉束煙如効嘖
盈盈一水不得
渡冷翠遺香愁向人

有別二首

且將絲紵繫蘭舟
醉下煙汀減去愁
江上有樓君莫
上落花流水正東流
池上已看鶯舌默
雲間應卽鴈翰開
唯愁別後當風
立萬樹將秋入恨來

病中曉思

月墮霜西竹井寒
轆轤絲凍下瓶難
幽人病久渾成
渴愁見龍書一鼎乾

送友人之湖上

故人溪上有漁舟
竿倚風蘋夜不收
欲寄一函聊問
訊洪喬寧作置書郵

寒日逢僧

瘦脰高寒梵屨輕
野塘風勁錫環鳴
如何不向深山
裏坐擁閒雲過一生

冬柳

柳汀斜對野人窻
零落衰條傍曉江
正是霜風飄斷

處寒鷗鷺起一雙雙

寄友人

敬亭寒夜溪聲裏同聽先生講太玄上得雲梯不回
首釣竿猶在五湖邊

島樹

波濤漱苦盤根淺風雨飄多著葉遲迴出孤煙殘照
裏鷺鷥相對立高枝

頭陀僧

萬峰圍繞一峰深向此長脩苦行心自掃雪中歸鹿
跡天明恐被獵人尋

晚渡

半波飛雨半波晴漁曲飄秋野調清各樣蓮船逗村
去笠簷蓑袂有殘聲

贈老僧二首

枯貌自同霜菓木餘生唯指佛前燈少時寫得坐禪
影今見問人何處僧

自有家山供衲線不離溪曲取菴茆舊曾聞說林中
鳥定後長來頂上巢

憶山泉

一夜寒聲來夢裏平明著屐到聲邊心期盛夏重過

唐詩卷五
七
此脫却荷衣石上眠

白芙蓉

澹然相對却成勞
月染風裁箇箇高
似說玉皇親謫
墮至今猶著水霜袍

嚴光釣臺

片帆竿外揖清風
石立雲孤萬古中
不是狂奴爲故
態仲華爭得黑頭公

讀陳拾遺集

蓬顆何時與恨平
蜀江衣帶蜀山輕
尋聞騎士梟黃
祖自是無人祭禰衡

吳宮懷古

香徑長洲盡棘叢
奢雲艷雨抵悲風
吳王事事須亡
國未必西施勝六宮

方響

擊霜寒玉亂丁丁
花底秋風拂坐生
王母閒看漢天
子滿猗蘭殿珮環聲

閨怨

白袷行人又遠遊
日斜空上映花樓
愁絲墮絮相逢
着絆惹春風卒未休

丁香

江上悠悠人不問十年雲外醉中身
殷勤解却丁香結從放繁枝散誕春

種蒲

杜若溪邊手自移旋抽煙劍碧參差
何時織得孤帆去懸向秋風訪所思

范蠡

平吳專越禍胎深豈是功成有去心
勾踐不知嫌鳥喙歸來猶自鑄良金

山僧二首

山蘚幾重生草履澗泉長自滿銅餅時將如意敲眠

虎遣向林間坐聽經

一夏不離蒼島上秋來頻話石城南
思歸瀑布聲前坐却把松枝拂舊菴

上雲樂

青絲作笮桂爲船白兔搗藥蝦蟇丸
便浮天漢泊星渚回首笑君承露盤

新秋雜題六首

眠

一簾臨窻薤葉秋小簾風蕩半離鈎
魂清雨急夢難到身在五湖波上頭

行

尋人直到月塢北
覓鶴便過雲峰西
只今猶有疎野
調但繞莓苔風雨
畦

倚

橘下凝情香染巾
竹邊留思露搖身
背煙垂手盡日
立憶得山中無事人

吟

憶山搖膝石上晚
懷古棹頭溪畔涼
有時得句一聲
發驚鳥起鷺鷥和夕陽

食

日午空齋帶睡痕
水蔬山藥薦盤餐
林鳥信我無機
事長到而今下石盆

坐

偶避蟬聲來隙地
忽隨鴻影入遼天
閒僧不會寂寥
意道學西方人坐禪

新沙

渤澥聲中漲小堤
官家知後海鷗知
蓬萊有路教人
到應亦年年稅紫芝

鄴宮詞二首

魏武平生不好香
楓膠蕙炷潔宮房
可知遺令非前

事却有餘薰在繡囊

花飛蝶駭不愁人水殿雲廊別置春曉日靚裝千騎
女白櫻桃下紫綸巾

古別

仙人左手把長箭欲射日烏烏不棲何事離情畏明
發一心唯恨汝南雞

高道士

峨眉道士風骨峻手把玉皇書一通東遊借得琴高
鯉騎入蓬萊清淺中

蔬食

孔融不要留殘膾庾悅無端恡子鵝香稻熟來秋菜
嫩伴僧飧了聽云何

寄遠

縹梨花謝鶯口喫黃犢少年人未歸畫扇紅弦相揜
映獨看斜月下簾衣

山中僧

手開一室翠微裏日暮白雲棲半間白雲朝出天際
去若比老僧雲未閒

洞宮秋夕

濃霜打葉落地聲南溪石泉細泠泠洞宮寂寞人不

寐坐見月生雲母屏

連昌宮詞二首

金鋪零落獸環空斜揜雙扉細草中日暮鳥歸宮樹
綠不聞鴉軋閉春風

宮門

草沒苔封疊翠斜墜紅千葉擁殘霞年年直爲秋霖
苦滴陷青珉隱起花

階

懷宛陵舊遊

陵陽佳地昔年遊謝朓青山李太白樓唯有日斜溪上
思酒旗風影落春流

松石曉景圖

霜骨雲根慘澹愁宿煙封著未全收將歸與說文通
後寫得松江岸上秋

釣車

小輪輕線妙無雙曾伴幽人酒一缸洛客見時如有
問輾煙衝雨過桐江

漉酒巾

靜節高風不可攀此巾猶墜凍醪間偏宜雪夜山中
戴認取時情與醉顏

華陽巾

蓮花峰下得佳名雲褐相兼上鶴翎須是古壇秋霽

後靜焚香炷禮寒星

送琴客之建康

蕙風杉露共泠泠
三峽寒泉漱玉清
君到南朝訪遺事
柳家雙鎖舊知名

白鷺

雪然飛下立蒼苔
應伴江鷗拒我來
見欲扁舟搖蕩去
倩君先作水雲媒

溪行

晚天寒雨上灘時
他已揚舡我尚遲
自是檣低帆幅少
溪風終不兩般吹

太湖叟

細槳輕船買石歸
酒痕狼藉徧苔衣
攻車戰艦繁如織
不肯回頭問是非

荅友人

荆卿雄骨化爲塵
燕市應無共飲人
能脫鷓鴣來換酒
五湖賒與一年春

偶作

酒信巧爲縲病緒
花音長作嫁愁媒
也知愁病堪回避
爭奈流鶯喚起來

春思二首

竹外麥煙愁漠漠短翅啼禽飛
魄魄此時憶着千里人
獨坐支頤看花落

江南酒熟清明天高高綠旆當
風懸誰家無事少年子
滿面落花猶醉眠

訪僧不遇

棹倚東林欲問禪遠公飛錫未
應還蒙莊子弟相看
笑何事空門亦有關

謝山泉

泱泱春泉出洞霞石壘封寄野
人家草堂盡日留僧
坐自向前溪摘茗芽

洞宮夕

月午山空桂花落華陽道士雲
衣薄石壇香散步虛
聲杉露清冷滴棲鶴

峽客行

萬仞峰排千劔束孤舟夜繫峰
頭宿蠻溪雪壞蜀江
傾艷瀕朝來大如屋

江邊

江邊日晚潮煙上樹裏鴉鴉枯
棹響無因得似灌園
翁十畝春蔬一藜杖

春夕櫻桃園宴

唐人絕句卷四十五
佳人芳樹雜春蹊花外煙濛月漸低幾度艷歌清欲
轉流鶯驚起不成棲

松江早春

柳下江飡待好風暫時還得狎漁翁一生無事煙波
足唯有沙邊水勃公

萬首唐人絕句卷第四十五

萬首唐人絕句卷第四十六

七言一百首

開元雜題七首

陸龜蒙 五十二首

玉龍子

何代奇工碾玉英細髯纖角盡雕成煙乾霧悄君心
苦風雨長隨一擲聲

照夜白

雪蚪輕較步如飛一練騰光透月旗應笑穆王拋萬
乘踏風鞭露向瑤池

湯泉

煖殿流湯數十間玉渠香細浪回環上皇初解雲衣
浴珠棹時敲瑟瑟山

舞馬

月窟龍孫四百蹄驕驤輕步應金鞞曲終似要君王
寵回望紅樓不敢嘶

雜伎

拜象馴犀角抵豪星丸霜劍出花高六官爭近乘輿
望珠翠三千擁赭袍

雪衣女

嫩紅鉤曲雪花攢月殿棲時片影殘自說夜來春夢

惡學持金偈玉欄干

繡嶺宮

繡嶺花殘翠倚空碧窻瑤砌舊行宮閑乘小駟濃陰
下時舉金鞭半袖風

女墳湖

吳王葬女之所

水平波淡遶回塘鶴殉人沉萬古傷應是離魂雙不
得至今沙上少鴛鴦

泰伯廟

故國城荒德未荒年年椒奠濕中堂邇來父子爭天
下不信人間有讓王

閑居雜題五首

鳴蜩早

閑來倚杖柴門口鳥下深枝啄晚蟲周步一池銷半
日十年聽此鬢如蓬

野態真

君如有意耽田里予亦無機向藝能心跡所便唯是
直人閒聞道最先憎

松閒斟

子山園靜憐幽木公幹詞清詠葦門月上風微蕭灑
甚斗醪何惜置盈樽

飲巖泉

已甘茅洞三君食欠買桐江一朵山巖子瀨高秋浪
白水禽飛盡釣舟還

當軒鶴

自笑與人乖好尚田家山客共柴車干時未似棲廬
雀鳥道閑携相爾書

宿木蘭院

苦吟清漏迢迢極月過花西尚未眠猶憶故山歌
枕夜來嗚咽似流泉

胥門閑泛

細漿輕棹下白蘋故城花謝綠陰新豈知今日逃名
士試問南塘著屨人

薔薇

穠華自古不得久況是倚春春已空更被夜來風雨
惡滿階狼藉沒多紅

春夕酒醒

幾年無事傍江湖醉倒黃公舊酒壚覺夜不知新月
上滿身花影倩人扶

重臺蓮花

水國煙鄉足芰荷就中芳瑞比難過風情爲與吳王

近紅萼常教一倍多

浮萍

曉來風約半池明重疊侵沙綠罽成不用臨池重相
笑最無根蒂是浮名

白蓮

素蘂多蒙別艷欺此花真合在瑤池還應有恨無人
覺月曉風清欲墮時

後池

曉煙清露暗相和浴鴈浮鷗意緒多却是陳王詞賦
錯枉將心事託微波

初植松桂

軒陰冉冉移斜日寒韻泠泠入晚風煙格月姿曾不改至今猶似在山中

館娃宮懷古五首

三千雖衣水犀珠半夜夫差國暗屠猶有八人皆二八獨教西子占亡吳

一宮花渚漾漣漪佞墮鴉鬟出顰眉可料坐中歌舞袖便將殘節拂降旗

幾多雲榭倚青冥越焰燒來一片平此地最應沾恨血至今春草不勻生

江色分明練遶臺戰帆遙隔綺䟽開波神自厭荒淫主勾踐樓船穩貼來

寶袜香綦碎曉塵亂兵誰惜似花人伯勞應是精靈使猶向殘陽泣暮春

和寄韋校書

萬古風煙滿故都清才搜括妙無餘可中寄與兰香客便是江南地里書

初冬偶作

桐下空階疊綠錢貂裘初綻擁高眠小爐低幌還遮掩酒滴灰香似去年

虎丘寺西小溪閑泛三首

樹號相思枝拂地鳥語提壺聲滿溪雲涯一里千萬
曲直是漁翁行也迷

荒柳卧波渾似困宿雲遮塢未全癡雲情柳意蕭蕭
會若問諸餘揔不知

每逢孤嶼一倚楫便欲狂歌同采薇任是煙蘿中待
月不妨歌枕扣船歸

釣侶二首

一艇輕撐看晚濤接籬拋下漉春醪相逢便倚蒹葭
泊更唱菱歌擘蟹螯

雨後沙虛古岸崩魚梁移入亂雲層歸時月墮汀洲
暗認得妻兒結網燈

酬醉中寄酒二首

酒痕衣上雜莓苔猶憶紅螺一兩盃正被遶籬荒菊
笑日斜還有白衣來

嗒下飢禽啄嫩苔野人方倒病中盃寒蔬賣却還沽
喫可有金貂換得來

臯橋

橫絕春流架斷虹凭欄猶思五噫風今來未必非梁
孟却是無人繼伯通

答遺青餽飯

舊聞香積金仙食今見青精玉斧滄自笑鏡中無骨
錄可能飛上紫雲端

酒病

柳疎桐下晚窻明祇有微風為析醒唯欠白綃籠解
散王儉洛生閑詠兩三聲

寒夜訪襲美

醉韻飄飄不可親掉頭吟側華陽巾如能跂脚東窻
下便是羲皇世上人

玩金鷄鵝

曾向溪邊泊暮雲至今猶憶浪花群不知鏤羽凝香
霧堪與鴛鴦覺後聞

寒夜文燕張潤卿不至

細雨輕觴玉漏終上清詞句落吟中松齋一夜懷貞
白霜外空聞五粒風

齊梁怨別

寥寥缺月看將落簷外霜華染羅幕不知蘭棹到何
山應倚相思樹邊泊

藥名離合夏日即事

乘屐著來幽砌滑石甕煎得遠泉甘草堂祇待新秋

景天色微涼酒半酣

懷錫山藥名離合二首

鶴伴前溪栽白杏人來陰洞寫枯松
蘿深境靜日欲落石上未眠聞遠鍾

佳句成來誰不伏神丹偷去亦須防
風前莫怪携詩藁本是吳吟湯藥郎

和懷鹿門縣名離合二首

雲容覆枕無非白水色侵磯直是藍田種
紫芝食可壽春來何事戀江南

竹溪深處猿同宿松閣秋來客共登
封逕古苔侵石

鹿城中誰解訪山僧

天台國清寺

峯帶樓臺天外立明河色近翠
不魚濕松閒石上定僧寒半夜
猶溪水聲急

簾

枕映踈容晚尚歌秋煙脉脉雨
微微逆風鄣燕尋常事不學人前
尚妓衣

翠碧

紅襟翠翰兩參差徑拂煙華上
細枝春水漸生魚易得莫辭風雨
坐多時

女墳湖

皮日休 四十八首

萬貴千奢已寂寥，可憐幽憤爲誰嬌。
須知韓重相思骨，直在芙蓉向下消。

宿木蘭院

木蘭院裏雙棲鶴，長被金鈿聒不眠。
今夜宿來還似爾，到明無計夢雲泉。

薔薇

濃似猩猩初染素，輕於燕燕欲凌空。
可憐細麗難勝日照得，深紅作淺紅。

春夕酒醒

四絃纔罷醉蠻奴，鄙醜餘香在翠爐。
夜半醒來紅蠟短，一枝寒淚作珊瑚。

胥門閑泛

青翰虛徐夏思清，愁煙漠漠荇花平。
醉來欲把田田葉，盡裏當時醒酒鯖。

重臺蓮花

歌紅矮媿力難任，每葉頭邊半米金。
可得教他水妃見，兩重元是一重心。

浮萍

嫩似金脂颺似煙，多情渾欲擁紅蓮。
明朝擬附南風

信寄與湘妃作翠鈿

白蓮

但恐醍醐難並潔，祇應簷簷可齊香。半垂金粉知何似，靜婉臨溪照額黃。

後池

細雨難珊，眠鷺覺鈿波。悠漾並鴛嬌，邇來會得荆王意。祇爲蓮莖重，細畧。

虎丘寺西小溪閑泛三首

絕壑祇憐白羽傲，窮溪唯覺錦鱗癡。更深尚有通樵處，或是秦人未可知。

高下不驚紅翡翠，淺深還礙白薔薇。船頭繫箇松根上，欲待逢仙不擬歸。

寒夜客見訪

世外爲交不是親，醉吟俱岸白綸巾。風清月白更三點，未放華陽鶴上人。

荅魯望

秦吳風俗昔難同，唯有清才事事通。剛戀水雲歸不得，前身應是太湖公。

館娃宮懷古五首

綺閣飄香下太湖，亂兵侵曉上姑蘇。越王大有堪羞

處祇把西施賺得吳

鄭姐無言下玉墀夜來飛箭滿累愚越王定指高臺
笑却見當時金鏤眉

半夜娃宮作戰場血腥猶雜宴時香西施不及燒殘
蠟猶爲君王泣數行

素襪雖遮未掩羞越兵猶怕伍員頭吳王恨鬼今如
在祇合西施瀨上游

響屧廊中金玉步采蘭山上綺羅身不知水葬今何
處溪月彎彎欲効頻

春夕陪櫻桃園燕

萬樹香飄水麝風蠟薰花雪盡成紅夜深懽態狀不
得醉客圖開明月中

松江早春

松陵清淨雪消初見底新安恐未如穩凭船舷無一
事分明數得鱸殘魚

天竺寺桂子

玉顆珊珊下月輪殿前拾得露華新至今不會天中
事應是姮娥擲與人

初冬偶作

豹皮茵下百餘錢劉墮閑沾盡醉眠酒病校來無一

事鶴亡松老似經年

醉中寄魯望一壺

門巷寥寥空紫苔先生應渴解醒盃醉中不得親相
問故遣青州從事來

軍事院霜菊盛開上諫議

金華千點曉霜凝獨對壺觴又不能已過重陽三十
日至今猶自待王弘

悼鶴

莫怪朝來淚滿衣墮毛猶傍水花飛遼東舊事今千
古却向人間葬令威

寄韋校書

二年踈放飽江潭水物山空盡足耽唯有故人憐未
替欲封乾鱸寄終南

釣侶二首

趨眠無事避風濤一斗霜鱗換濁醪驚怪兒童呼不
得盡衝煙雨漉車螯

嚴陵灘勢似雲崩釣具歸來放石層煙浪濺蓬寒不
睡更將枯蚌點漁燈

醉中先起

麝煙冉冉生銀兔蠟淚漣漣滴繡闥舞袖莫欺先醉

去醒來還解驗金泥

文燕招潤卿

颺御已應歸杳眇博山猶自對氛氲不知入夜能來
否紅蠟先教刻五分

酒病偶作

鬱林步障晝遮明一炷濃香養病醒何事晚來還欲
飲隔墻聞賣蛤蜊聲

玩金鷄鵝

鏤羽彫毛迴出羣溫磨飄出麝臍熏夜來曾吐紅茵
畔猶自溪邊睡不聞

友人許惠酒以詩索之

野客蕭然訪我家霜殘白菊兩三花子山病起無餘
事只望蒲臺酒一車

寒夜文燕潤卿有期不至

草堂虛灑待高真不意清齋避世塵料得焚香無別
事存心應待月夫人

齊梁怨別

芙蓉泣恨紅鉛落一朵別時煙似幕鴛鴦剛解惱離
心夜夜飛來棹邊泊

晚秋吟

東臯煙雨歸耕日
免去玄冠手刈禾
火滿酒壚詩在口
今人無計柰儂何

好詩景

青盤香露傾荷子
墨風流更不言
寺寺雲蘿堪度日
京塵到死撲侯門

醒聞檜

解洗餘醒晨半酒
星星仙吹起雲門
耳根莫厭聽佳木
會盡山中寂靜源

寺鍾暝

百緣斗藪無塵土
寸地章煌欲布金
重擊蒲牢唵山

日冥冥煙樹覩棲禽

砌思步

灑灑古薜繡危石
切切陰翳應晚田
心事萬端何處上
少姨峯下舊雲泉

懷錫山藥名離合二首

暗竇養泉容泱泱
明園護桂放亭亭
歷山居處當天半
夏裏松風盡足聽

曉景半和山氣白
微香清淨雜纖雲
實頭事是眠平石
腦側空林看鹿羣

天台國清

十里松門國清路飯猿臺上苦提樹怪來煙雨落暗
天元是海風吹瀑布

夏日即事藥名離合三首

季春人病拋芳杜仲夏溪波遶壞垣衣典濁醪身倚
桂心中無事到雲昏

數曲急溪衝細竹葉舟來往盡能通草香石冷無辭
遠志在天台一遇中

桂葉似茸含露紫葛花如綬蘸溪黃連雲更入幽深
地骨錄閑携相獵郎

懷鹿門縣名離合

山瘦更培秋後桂溪澄閑數晚來魚臺前過鴈盈千
百泉石無情不寄書

十里松蘿陰亂石門前幽事雨來新野霜濃處憐殘
菊潭上花閑不見人

萬首唐人絕句卷第四十六

萬首唐人絕句卷第四十七

七言一百首

禁直寄崔員外

鄭畋 十二首

銀臺樓北藥珠宮
夔與人間路不同
在省五更春睡
侶早來分夢玉堂中

初秋寓直三首

曉星獨挂結麟樓
三殿風高藥樹秋
玉笛數聲飄不住
問人依約在東頭

宿鳥翩翩落照微
右臺樓閣鎖重扉
步廊無限金羈
響應是諸司扈從歸

唐詩卷四
德星堂
幽閣焚香萬慮凝下簾胎息過禪僧玉堂分照無人
後消盡金盆一椀冰

夜景又作

鈴條無響閉珠宮小閣涼添玉藥風珍簾滿床明月
到自疑身在五雲中

聞號

陛兵偏近羽林營夜靜仍傳禁號聲應笑執金雙闕
下近南猶隔兩重城

下直早出

諸司人盡馬蹄稀紫帕雲竿九釘歸偏覺右臺清貴

處榜懸金字射晴暉

金鑾坡上

玉晨鍾韻索清虛畫戟祥煙拱帝居極眼向南無限
地綠煙深處認中書

杪秋夜直

藥宮裁詔與宵分雖在青雲憶白雲待報君恩了歸
去山翁何急草移文

酬隱珪舍人寄紅燭

蜜炬殷紅畫不如且將歸去照吾廬今來併得二般
事靈運詩篇逸少書

馬嵬坡

玄宗回馬楊妃死雲雨難忘日月新
終是聖明天子事景陽宮井又何人

禁直和人飲酒

卉醴陀花物外香清濃標格勝椒漿
我來尚有釣天會猶得金樽半日嘗

悼鶴

李穀二首

芝林曾訪雪翎飛應悔庭除閉羽衣
料得王恭披鶴氅倚吟猶待月中歸

醉中襲美先起戲贈

休文雖即逃瓊液阿鷺還須掩玉闥
月落金鷄一聲後不知誰悔醉如泥

和戲襲美醉中先起

張賁七首

何事桃源路忽迷唯留雲雨怨空閨
仙郎共許多情調莫遣重歌濁水泥

送人西歸

孤雲獨鳥本無依江海重逢故舊稀
楊柳漸疎蘆葦白可堪斜日送君歸

偶約道流終乖文會蒼皮陸

仙侶無何訪蔡經兩煩韶護出彤庭
人間若有登樓

望應怪文星近客星

和皮陸酒病偶作

白編椰席鏤冰明應助楊青解宿醒難繼二賢金玉
唱可憐空作斷猿聲

悼鶴

涇頂鮮毛品格馴莎庭閑暇重難羣無端日暮東風
起飄散春空一片雲

和寒夜見訪

雲孤鶴獨且相親做效從他折角巾不用吳江歎留
滯風姿俱是玉清人

玩金鷄糲

翠羽紅襟鏤彩雲雙飛常笑白鷗羣誰憐化作彫金
質從惜沉檀十里聞

和襲美索友人酒

鄭璧二首

乘興閑來小謝家便裁詩句乞榴花邴原雖不無端
醉也要臨風從鹿車

文燕潤卿不至

已知羽駕朝金闕不用燒蘭望玉京應是易遷明月
好玉皇留看舞雙成

惜花

嚴暉一首

春光冉冉歸何處更向花前把一盃盡日間花花不語為誰零落為誰開

變駕東回

崔道融 三十八首

兩川花捧御衣香萬歲山呼輦路長天子還從馬嵬過別無惆悵似明皇

釣魚

閑釣江魚不釣名瓦甌斟酒暮山青醉頭倒向蘆花裏却笑無端犯客星

西施

苧蘿山下如花女占得姑蘇臺上春一笑不能忘敵

國五湖何處有功臣

馬嵬

萬乘淒涼蜀路歸眼前珠翠與心違重華不是風流主湘水猶傳泣二妃

羯鼓

華清宮裏打撩聲供奉絲簧束手聽寂寞鑾輿斜谷裏是誰翻得雨淋鈴

寄李左司

王季在臺

栢臺蘭省共清風鳴王朝聯夜被同肯信人間有兄弟一生長在別離中

梅

溪上寒梅初滿枝
夜來霜月透芳菲
清光寂寞思無盡
應待琴尊與解圍

天台陳逸人

絕粒空山秋復春
欲看滄海化塵近
拋三井更深去
不怕虎狼唯怕人

雪竇禪師

雪竇峯前一派懸
雪竇五月無炎天
客塵半日洗欲盡
師到白頭林下禪

溪上遇雨二首

回塘雨脚如搔絲
野禽不起沉魚飛
耕蓑釣笠取未暇
秋田有望從淋漓

坐看黑雲銜猛雨
噴灑前山此獨晴
忽驚雲雨在頭上
却是山前晚照明

長門怨

長門花泣一枝春
爭奈君恩別處新
錯把黃金買詞賦
相如自是薄情人

秋夕

自憐三十未西遊
傍水尋山過却秋
一夜雨聲多少事
不思量盡到心頭

過隆中

玄德蒼黃起卧龍鼎分天下一言中可憐蜀國關張
後不見商量徐庶功

關下

百二山河壯帝畿關門何事更開遲應從漏却田文
後每度聞鷄不免疑

寒食客中有懷

江上聞鶯禁火時百花開盡柳依依故園兄弟別來
又應到清明猶望歸

溪夜

積雪消來溪水寬滿樓明月碎琅玕漁人拋得釣筒
盡却放輕舟下急灘

山居臥疾廣利大師見訪

桐谷孫枝已上絃野人猶臥白雲邊九天飛錫應相
誚三到行朝二十年

村墅

正月二月村墅閑餘糧未乏人心寬南鄰雨中揭屋
笑酒熟數家來相看

廝

悲李拾遺二首

故友從來匪石心諫多難得主恩深行朝半夜煙塵

起曉殿吁嗟一鏡沉

天涯時有北來塵因話它人及故人也
是先皇能罪已殿前頻得觸龍鱗

題李將軍傳

猿臂將軍去似飛彎弓百步虜無遺
漢文自與封侯得何必傷嗟不遇時

酒醒

酒醒撥剔殘灰火多少淒涼在此中
爐畔自斟還自醉竹窓深夜雪兼風

郊居友人相訪

柴門深掩古城秋背郭緣溪一徑幽
不有小園新竹色君來那肯暫淹留

鏡湖雪霽貽方干

天外曉嵐和雪望月中歸棹帶冰行
相逢半醉吟詩苦應抵寒猿裊樹聲

秋霽

雨霽長空蕩滌清遠山初出未知名
夜來江上如鉤月時有驚魚擲浪聲

謝朱常侍寄貺蜀茶剡紙二首

瑟瑟香塵瑟瑟泉驚風驟雨起銜煙
一甌解却山中

醉便覺身輕欲上天
百幅輕明雪未融
薛家凡紙漫深紅
不應點染閑言
語留紀將軍蓋世功

讀杜紫微集

紫微才調復知兵
長覺風雷筆下生
還有枉拋心力
處多於五柳賦閑情

寓題

海上乘查便合仙
若無仙骨未如船
人間亦有支機
石虛破聲名到洞天

寓吟集

陶集篇篇皆有酒
崔詩句句不無杯
醉來已共身安
約讓却詩人作酒魁

溪居即事

籬外誰家不繫船
春風吹入釣魚灣
小童疑是有村
客急向柴門去却關

鷄

買得晨鷄共鷄語
常時不用等閑鳴
深山月黑風雨
夜欲近曉天啼一聲

獻浙東柳大夫

屬城甘雨幾經春
聖主全分付越人
俗眼不知青瑣

貴江頭爭看碧油新

楊柳枝詞

霧撚煙搓一索春年年長似染來新應須喚作風流
線繫得東西南北人

楚懷王

宮花一朶掌中開緩急翻爲敵國媒六里青山天下
笑張儀容易去還來

對早梅寄友人二首

憶得前年君寄詩海邊三見早梅詞與君猶是海邊
客又見早梅花發時

憶得去年有遺恨花前未醉到無花清芳一夜月通
白先脫寒衣送酒家

歎征人

高駢 三十七首

心堅膽壯箭頭親十載沙場受苦辛力盡路傍行不
得廣張紅旆是何人

湘妃廟

帝舜南巡去不還二妃幽怨水雲間當時珠淚垂多
少直到如今竹尚斑

赴安南却寄台司

曾驅萬馬上天山風去雲回頃刻間今日海門南面

事莫教還似鳳林關

閨怨

人世悲歡不可知
夫君初破黑山歸
如今又獻征南策
早晚休縫帶號衣

馬嵬驛

玉顏雖掩馬嵬塵
冤氣和煙鎖渭津
蟬鬢不隨鸞駕去
至今空感往來人

宴犒蕃軍有感

蜀地恩留馬嵬哭
煙雨濛濛春草綠
浩氣由來是舊人
那堪更奏梁州曲

寓懷

關山萬里恨難銷
鐵馬金鞭出塞遙
爲問昔時青海畔
幾人歸到鳳林橋

步虛詞

青溪道士人不識
上天下地鶴一隻
洞門深鎖碧窻寒
滴露研朱點周易

贈歌者二首

酒滿金船花滿枝
佳人立唱慘愁眉
一聲直入青雲去
多少悲歡起此時

公子邀歡月滿樓
雙成揭調唱伊州
便從席上風沙

起直待陽關水盡頭

入蜀

萬水千山音信希
空勞寃夢到京畿
漫天嶺上頻回首
不見虞封淚滿衣

邊城聽角

席冥風起鴈聲秋
隴水邊沙滿目愁
三會五更吹欲盡
不知凡白幾人頭

渭川秋望寄右軍王特進

長川終日碧潺湲
知道天河與地連
憑寄兩行朝闕淚
願隨流入御溝泉

山亭夏日

綠樹陰濃夏日長
樓臺倒影入池塘
水精簾動微風起
滿架薔薇一院香

蜀路感懷

蜀山蒼翠隴雲愁
鑿駕西巡陷幾州
唯有縈回深澗水
潺湲不改舊時流

殘春遣興

畫舸輕桡柳色新
摩河池上醉青春
不辭不爲青春醉
只恐鶯花也怪人

春日招賓

花枝如火酒如飴正好狂歌醉復醒對酒看花何處
好延和閣下碧筠亭

過天威徑

豺狼坑盡却朝天戰馬休嘶瘴嶺煙歸路嶮巖今坦
蕩一條千里直如強

對花呈幕中

海棠初發去春枝首唱曾題七字詩今日能來花下
飲不辭頻把使頭旗

寄題羅浮別業

不將真性染埃塵為有煙霞伴此身帶日長江好歸

信博羅山下碧樵春

塞上曲二首

二年邊戍絕煙塵一曲河灣萬恨新從此鳳林關外
事不知誰是苦心人

隴上征夫隴下鬼死生同恨漢將軍不知萬里沙場
苦空舉平安火入雲

廣陵宴次戲簡慎賓

一曲狂歌酒百分蛾眉盡出月爭新將軍醉罷無餘
事亂把花枝折贈人

安南送曹別勅歸朝

雲水蒼茫日欲收
野煙深處鷓鴣愁
知君萬里朝天去
爲說征南已五秋

對雪

六出飛花入戶時
坐看青竹變瓊枝
如今好上高樓望
蓋盡人間惡路岐

訪隱者不遇

落花流水認天台
半醉閑吟獨自來
惆悵仙翁何處去
滿庭紅杏碧桃開

赴西川途經虢縣作

亞夫重過柳營門
路指岷峨隔暮雲
紅額少年遮道

拜殷勤認得舊將軍

錦城寫望

蜀江波影碧悠悠
四望煙花匝郡樓
不會人家多少錦
春來盡挂樹梢頭

太公廟

青山長在境長新
寂寞持竿一水濱
及得王師身已老
不知辛苦爲何人

邊方春興

草色青青柳色濃
王壺傾酒滿金鐘
笙歌嘹亮隨風去
知盡關山第幾重

塞上寄家兄

棣萼分張信使希幾多鄉淚濕征衣笳聲未斷腸先
斷萬里胡天鳥不飛

寫懷二首

漁竿消日酒消愁一醉忘情萬事休却恨韓彭與漢
室功成不向五湖遊

花滿西園月滿池笙歌搖曳畫船移如今暗與心相
約不動征旗動酒旗

池上送春

持竿閑坐思沉吟釣得江鱗出碧潯回首看花花欲

盡可憐寥落送春心

南征叙懷

萬里驅兵過海門此生今日報君恩回期直待烽煙
靜不遣征衣有淚痕

風箏

夜靜絃聲響碧空宮商信任往來風依稀似曲才堪
聽又被移將別調中

平流園席上

畫舸搖煙水滿塘柳絲輕軟小桃香却緣龍節爲縈
絆好是狂時不得狂

南詔途中

楊奇鯤 一首

風裏浪花吹又白雨中嵐影洗還青江鷗聚處窻前
見林猶啼時枕上聽

萬首唐人絕句卷第四十七

